

**BOSNA I HERCEGOVINA
FEDERACIJA BOSNE I HERCEGOVINE
ZAVOD ZDRAVSTVENOG OSIGURANJA
ZENIČKO-DOBOJSKOG KANTONA**

**Broj: 06-45-22554-5/25 (H.A.)
Zenica, 04.12.2025. godine**

Na osnovu člana 69. stav (2) tačka d), člana 70. Zakona o javnim nabavkama ("Službeni glasnik BiH", broj: 39/14, 59/22 i 50/24), Otvorenog postupka javne nabavke „Nadogradnja postojećeg softvera za elektronski zdravstveni karton sa nabavkom kartica za elektronske zdravstvene knjižice i printera za štampanje elektronskih zdravstvenih knjižica sa potrošnim materijalom za printere“ broj: 06-45-22554-2/25 od 28.10.2025.godine (Obavještenje o nabavci broj: 108-1-1-47-3-78/25 od 29.10.2025.godine), Zapisnika o pregledu i ocjeni ponuda broj: 06-45-22554-4/25 od 28.11.2025.godine, direktor Zavoda zdravstvenog osiguranja Zeničko-dobojskog kantona, donosi

**O D L U K U
o poništenju postupka javne nabavke**

Član 1.

Poništava se postupak javne nabavke: „Nadogradnja postojećeg softvera za elektronski zdravstveni karton sa nabavkom kartica za elektronske zdravstvene knjižice i printera za štampanje elektronskih zdravstvenih knjižica sa potrošnim materijalom za printere“ broj: 06-45-22554-2/25 od 28.10.2025.godine, pokrenut putem otvorenog postupka javne nabavke, (Obavještenje o nabavci broj: 108-1-1-47-3-78/25 od 29.10.2025.godine), iz razloga što nijedna od primljenih ponuda nije prihvatljiva.

Član 2.

Ova Odluka se u skladu sa članom 71. Zakona o javnim nabavkama ("Službeni glasnik BiH", broj: 39/14, 59/22 i 50/24), dostavlja ponuđačima koji su učestvovali u postupku javne nabavke.

Član 3.

Ova Odluka objavit će se na web-stranici Zavoda, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).

Član 4.

Ova Odluka stupa na snagu danom donošenja

O b r a z l o ž e n j e

Dana 27.10.2025.godine donesena je Odluka o pokretanju postupka javne nabavke putem otvorenog postupka za nabavku: „Nadogradnja postojećeg softvera za elektronski zdravstveni karton sa nabavkom kartica za elektronske zdravstvene knjižice i printera za štampanje elektronskih zdravstvenih knjižica sa potrošnim materijalom za printere“ broj: 06-45-22554/25. Procijenjena vrijednost navedena u Obavještenju o nabavci broj: 108-1-1-47-3-78/25 je 162.392,00 KM (bez PDV-a).

U skladu sa članom 36. stav (1) Zakona o javnim nabavkama ("Službeni glasnik BiH", broj: 39/14, 59/22 i 50/24) na portalu javnih nabavki objavljeno je Obavještenje o nabavci broj: 108-1-1-47-3-78/25 od 29.10.2025.godine. Tenderska dokumentacija za nabavku: „Nadogradnja postojećeg softvera za elektronski zdravstveni karton sa nabavkom kartica za elektronske zdravstvene knjižice i printera za štampanje elektronskih zdravstvenih knjižica sa potrošnim materijalom za printere“ je objavljena u sistemu "E-nabavke" u skladu sa članom 53. stav (2) Zakona o javnim nabavkama. Kriterij za dodjelu ugovora naveden u tenderskoj dokumentaciji/otvoreni postupak javne nabavke

broj: 06-45-22554-2/25 od 28.10.2025.godine je "najniža cijena ponude".

Krajnji rok za prijem ponuda bio je 19.11.2025.godine do 11:00 sati.

Dana 19.11.2025.godine, Komisija za javne nabavke imenovana Rješenjem broj: 06-45-22554-1/25 od 27.10.2025.godine održala je sjednicu o pregledu i ocjeni ponuda za nabavku: „Nadogradnja postojećeg softvera za elektronski zdravstveni karton sa nabavkom kartica za elektronske zdravstvene knjižice i printera za štampanje elektronskih zdravstvenih knjižica sa potrošnim materijalom za printere“.

Na sjednici Komisije je konstatovano da je ponudu za nabavku: „Nadogradnja postojećeg softvera za elektronski zdravstveni karton sa nabavkom kartica za elektronske zdravstvene knjižice i printera za štampanje elektronskih zdravstvenih knjižica sa potrošnim materijalom za printere“, dostavila grupa ponuđača: medIT d.o.o. Sarajevo (predstavnik grupe ponuđača), Info-Kod d.o.o. Travnik (član grupe ponuđača), po cijeni od 159.140,00 KM (bez PDV-a).

Na osnovu traženih uslova za učešće i potrebnih dokaza koji su traženi u otvorenom postupku javne nabavke: „Nadogradnja postojećeg softvera za elektronski zdravstveni karton sa nabavkom kartica za elektronske zdravstvene knjižice i printera za štampanje elektronskih zdravstvenih knjižica sa potrošnim materijalom za printere“, broj: 06-45-22554-2/25 od 28.10.2025.godine, izvršena je analiza/ocjena ponuda i konstatovano da je ponuda grupe ponuđača: medIT d.o.o. Sarajevo (predstavnik grupe ponuđača), Info-Kod d.o.o. Travnik (član grupe ponuđača), ocijenjena kao nepravilna, iz sljedećih razloga:

Uvidom u ponudu komisija je utvrdila da ponuda grupe ponuđača: medIT d.o.o. Sarajevo (predstavnik grupe ponuđača), Info-Kod d.o.o. Travnik (član grupe ponuđača), ne ispunjava uslove prema Obrascu tehničke specifikacije propisane Aneksom 2 tenderske dokumentacije za predmetnu nabavku, kako slijedi:

-Za uslove iz tačke 1.1; 1.2; 1.3 i 1.4 Obrasca tehničke specifikacije-Aneks 2, grupa ponuđača je u ponudi kao dokaz o podržanosti - stranica iz tehničke dokumentacije za ispunjavanje navedenih uslova navela str. 205 tehničke dokumentacije. Uvidom u ponudu utvrđeno je da navedena stranica tehničke dokumentacije ne sadrži podatke o ispunjavanju uslova iz tačke 1.1; 1.2; 1.3 i 1.4 Obrasca tehničke specifikacije.

-Tačkom 1.5 Obrasca tehničke specifikacije-Aneks 2 je propisana toplotna izdržljivost kartice pri štampi: dvostrani ispis gore: 170 ° C, dvostrani ispis dole 165 ° C. Grupa ponuđača je u ponudi kao dokaz o podržanosti - stranica iz tehničke dokumentacije za ispunjavanje navedenog uslova navela str. 205 tehničke dokumentacije, te uvidom u istu utvrđena je toplotna izdržljivost kartice pri štampi: dvostrani ispis gore: 185 ° C, dvostrani ispis dole 175 ° C.

-Za uslove iz tačke 3.1. Obrasca tehničke specifikacije-Aneks 2, grupa ponuđača u ponudi nije navela stranicu tehničke dokumentacije, a uvidom u ponudu utvrđeno je da nije ni dostavljena tehnička dokumentacija/katalog kojom dokazuje ispunjavanje navedene tačke Obrasca tehničke specifikacije.

-Tačkom 4.1 Obrasca tehničke specifikacije-Aneks 2 je propisana dimenzija printera sa laminatorom (vxdxš): 306 mm x 277 mm x 699 mm. Grupa ponuđača je kao dokaz o podržanosti - stranica iz tehničke dokumentacije za ispunjavanje navedenog uslova u ponudi navela str. 207-213 tehničke dokumentacije, te uvidom u iste utvrđena je dimenzija printera sa laminatorom (vxdxš): 306 mm x 277 mm x 964 mm.

Napomenom koja je sastavni dio Obrasca tehničke specifikacije – Aneksa 2 je propisano sljedeće: „U kolonu „Zahtjev ispunjen (DA/NE), dokaz o podržanosti – stranica iz tehničke dokumentacije“ unijeti navod DA ili NE i broj stranice iz tehničke dokumentacije da li ponuđeni predmet nabavke ispunjava zahtijevanu funkcionalnost/značajku“.

U skladu sa članom 2. stav (1) tačka l) Zakona o javnim nabavkama ("Službeni glasnik BiH", broj: 39/14, 59/22 i 50/24) je propisano da je ponuda:

nepravilna – koja nije u skladu s tenderskom dokumentacijom ili je primljena izvan roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Članom 44. stav (6) Zakona je propisano da je samo onim kandidatima/ponuđačima čije kvalifikacije zadovoljavaju uslove utvrđene u tenderskoj dokumentaciji dopušteno da nastave postupak javne nabavke.

Članom 57. stav (1) Zakona je propisano da se u postupku javne nabavke kandidat/ponuđač pridržava zahtjeva i uslova iz tenderske dokumentacije.

Članom 68. stav (4) tačkom i) Zakona je propisano da je ugovorni organ dužan odbaciti ponudu koja nije potpuna i ne ispunjava zahtjeve iz tenderske dokumentacije.

Članom 16. Uputstva za pripremu modela tenderske dokumentacije i ponuda („Službeni glasnik BiH”, broj 90/14), propisano je da postupak pregleda i ocjene ponuda obavlja komisija za javne nabavke, odnosno članovi komisije koji su stručne osobe i/ili stručne službe ugovornog organa, te ako je potrebno nezavisne stručne osobe, na osnovu uslova i zahtjeva iz tenderske dokumentacije.

Dakle, prema citiranim odredbama, da bi se ponuda smatrala prihvatljivom, mora da zadovolji sve uslove i zahtjeve iz tenderske dokumentacije, a to znači i da su dostavljeni svi dokazi/dokumenti koje je ugovorni organ tražio tenderskom dokumentacijom, i da su odgovarajući dokazi kompletni.

Imajući u vidu sve navedeno, a u skladu sa članom 2. stav (1) tačka l) ponuda grupe ponuđača: medIT d.o.o. Sarajevo (predstavnik grupe ponuđača), Info-Kod d.o.o. Travnik (član grupe ponuđača), se ocjenjuje kao nepravilna.

Članom 69. stav (2) tačkom d) Zakona je propisano da je Ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

Na osnovu navedenog, odlučeno je kao u dispozitivu Odluke.

POUKA O PRAVNOM LIJEKU:

Protiv ove Odluke može se izjaviti žalba u roku od deset dana od dana prijema ove Odluke. Žalba se izjavljuje Uredu za razmatranje žalbi, putem ovog Ugovornog organa u pisanoj formi, na način propisan članom 99. Zakona o javnim nabavkama ("Službeni glasnik BiH", broj: 39/14, 59/22 i 50/24).

DOSTAVLJENO:

1x Ponuđači
1x Služba za javne nabavke
1x a/a



Ahmed Kasap, mag.oec.